



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Sanela Klarić, zastupnica u Skupštini Kantona Sarajevo
Sarajevo, 16.8.2023.

Dostaviti:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo g. Elvedin Okerić

Uputiti:

Ministarstvo privrede KS

PREDMET: ZASTUPNIČKA INICIJATIVA

Poštovani, na osnovu člana 213. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22), Ministarstvu privrede Kantona Sarajevo upućujem zastupničku inicijativu za organizaciju sastanka sa direktnim zainteresovanim stranama Zavod za javno zdravstvo Kantona Sarajevo, Inspektorat sanitarne, zdravstvene i farmaceutske inspekcije i inspekcije za hranu i Veterinarska stanica Kantona Sarajevo na kojem bismo dogovorili daljnje aktivnosti na **organizovanju detaljne kontrole i edukacije načina provođenja hemijskih mjera (upotreba rodenticida) koje se provode sa ciljem sprječavanja ulaženja, zadržavanja, razmnožavanja i smanjenja populacije štetnih glodavaca na površinama, prostorima ili objektima, sa ciljem zaštite kako ljudi i drugih životinja.**

OBRAZLOŽENJE:

Nakon nekoliko slučajeva trovanja i uginuća kućnih ljubimaca zbog nepravilne upotrebe rodenticida, smatram da gore navedeni javno preduzeće i uprava moraju poraditi na kontroli i edukaciji privatnih kompanija, nosioca odobrenja za obavljanje deratizacije saglasno Zakonu o zaštiti stanovništva od zaraznih bolesti, koji provode hemijske mjere deratizacije.

Građani su primjetili da se rodenticidi ostavljaju na mjesta i na način koji potencijalno može ugroziti život i zdravlje ljudi (prevashodno djece) i kućnih ljubimaca. Naime, rodenticid se treba postavljati tako da služi kao mamac za štetne glodavce, omogućujući pristup otrovnoj supstanci samo za životinje njihove veličine. Međutim, svjedočenja oštećenih građana ukazuju na to da pojedini nosioci odobrenja za obavljanje deratizacije neispravnim postavljanjem omogućavaju pristup rodenticidu i drugim, većim životinjama kao i potencijalno radoznaloj djeci.

Urgiram da Ministarstvo privrede KS, a nakon prihvatanja inicijative od strane Zavod za javno zdravstvo Kantona Sarajevo, organizuje radni sastanaka sa navedenim javnim preduzećima i nadležnim inspektoratom na kojem će zajednički da osmisle adekvatan vid suzbijanja

neželjenih posljedica nepravilne upotrebe rodenticida koristeći zakonom definisane procedure, načine i mjere da bi smo izbjegli buduće nesreće. Stavljam se na raspolaganje da i ja prisustvujem prvom radnom sastanku te prenesem svoja i iskustva građana KS.

S poštovanjem,



Sanela Klarić, zastupnica